

1457 A. Q. VARO

DISSERTATIO PHILOSOPHICA

OLFAC TUS NATURAM

exhibens,

Qdam

DIVINA AFFULGENTE GRATIA,
Et Ampliss. Facult. Philosoph. in Regia
Acad. Aboënsi contentiente,

SUB PRÆSIDIO

Viri Amplissimi

Dn. M. PETRI HAHN,
Scient. Natur. Professoris Ordinarii
& Bibliothecarii Celeberrimi, Fautoris & Pro-
motoris quovis observantiæ cultu ætatem
prosequendi.


Publicæ bonorum censuræ modestè submittit

S. R. M. Alumnus

JOHANNES WICKELGREEN/
Wex. Smol.

In Acr. Max. ad d. si DEO videatur 13. Martii
A. M. DC. XCVII.

Impr. apud Jo. LAURENTI WALLUM.



VIRO

Amplissimo atqve Celeberrimo
DN. M. PETRO
HAHN,

Scientiae Naturalis, in illustri, quod
Aboæ est, Musarum Palladio,
PROFESSORI
Famigeratissimo,
ut &
ACAD. BIBLIOTHECARIO
Accuratissimo,
Mæcenati & Promotori suo
propensissimo,
Præceptorи fidelissimo, pio animi
zelo & submissa mentis venera-
tione æternum suspi-
ciendo.



Quod hæc tenuioris ingenii mei tentamina, Amplitudinis Vestræ auspicio in lucem edita, Celeberrimo Vestro Nomi*n*i inscribere & consecrare non sim veritus, fecit insignis & quidem singularis Amplitudinis Vestræ in me humilium Clientulum & consanguineum suum, per triennium, quo, in plaga hac boreali hospes vixi, favor & benivolentia; quæ majora extitisse lubenti & ingenuo animo confiteor, quam ut iisdem debitibus laudibus extollendus, ne dicam referendis par unquam esse queam, Cogorque necessitate actus quod socrates olim Platonis fecit, coram Amplitudine Vestræ usurpare: Is cum beneficiis solvendis impar em fuisse videbat, inopiam ingenue confessus, Socratem O plato accipe pro beneficiis exclamavit. Ego mini-

me

me amplioribus ornatus muneribus, me Am-
plitudini Vestræ perpetuo devotissimum in
preium beneficiorum devoveo. Dignetur itaque
Celeberrima Vestra Dignitas hasce linea-
las, quas, in æternæ gratitudinis sacramentum,
omniumque obseqviorum & officiorum humili-
orum certissimum pignus offero, serena & be-
nevolæ fronte inspicere, neq; tenui fortuna affli-
ctum favore suo solito insuper fovere, est quod hu-
milimerogo & obtestor. Vivat interea Amplis-
sima Vestra Dignitas diutissime! felicissime!
Emolumenntum Ecclesiæ; Patriæ Decus; Am-
plissimæ suæ Familiaæ insigne fulerum &
gaudium, meus denique omniumque ope sua
largissima indigentium gratosus Fautor & Pa-
tronus Magnus. Sic pia & devota mente dovet

AMPLITUDINIS VESTRÆ

humilimus cliens
J. W.

Plurimum Reve
& Doctis

DN. M. PETRO OSANDRO,

Præposito in Kongahårad meritiſſimo, Pastor in Lindery & Sandſið Vigilantissimo, Mæcenati & Patrono ſemper colendo.

DN. M. ABR A H. THURONIO,

Pastori in Rimitto fideliffimo, Fautori & Benefactori multum honorando.

DN. JOHANNI uhr/

Pastori in Håſſlöf etc. vigilantissimo, Avunculo & Promotori ſuo jugiter colendo.

DN. PETRO BERGIO,

V.D. Ministro in Rimitto ſolertiffimo, Fautori & Amico honoratissimo.

RIS

rendis, Clarissimis
simis

DN. MAGNO LAGHE,

In Regio Gymnaſio Wib. S. S. Theol.
Lectori & Consist. Eccl. Assessori
dignissimo, nec non in Säckijärfsvi
Pastori laudatiss:, Promotori qvovis
obseqviorum genere proseqvendo.

DN. JOHANNI Kandfel/

Past. in Wäckelsång/Tingzåhs & Uhr-
åhsa meritissimo, Fautori & Everge-
tæ multis nominibus observando.

DN. NICOLAO CORNERO,

Pastori in Bagary fidelissimo, Fau-
tori singulariter honorando.

nec non

DN. JOHANNI MEJER,

In urbe Aboënsi Aurifabro Artificio-
fissimo, Fautori itidem honorando.

Multorum, Mæcenates & Patro-
ni Optimi, ardens monet des-
terium, jubet ingens eorum debitum,
ut illis Paratissima quævis offerant officia,
qvorum congenitum erga se favorem certo
certius exploratum habent. Talem Vestrum,
Mæcenates & Fautores Optimi, Favorem
& beneficia singularia, saepe expertus omni
semper expetivi voto, ut aliquid gratitudinis
signum edere possem, cumque spe diu frustra-
to nihil aliud occurrat, opellam tandem hanc
tenui profectam Minervâ, in grati animi &
debitæ venerationis tesseraam Nominibus
vestris dicare & offerre ausim, quod vilius &
licet munus sit, quam ut ullam debiti mei
partem solvere vateat, sereno tamen vultu &
favente nutu id accipiat q[uo]do, neiq[ue] semper lo-
memoriam in animis vestris accrescere & pro-
ficere sinatis etiam atq[ue] etiam rogo. Supremum
interea Numen simplici mente venerari non de-
sistam, ut vos omnes salvos & incolumes tectos q[ui]
ab omni malo clementer tueatur & conservet! fa-

VEST. NOM.

Addicissimus
Cliens
J. W.
Disp. Auct.



Christe fac ut Sapiam, qdia tu Sapientia Patri
Solus es, & tecum qvi Sapit, ille Sapit.

PROEMIUM.

OVanta inter sensus cæteros,
qvorum qvilibet singulari suo
eminent vigore, usu & præ-
stantiâ, Olfactus sit dignitas
& excellentia, qvam inæstimabilis ejus
utilitas, et svavitas eximia; id manife-
stissimo veritatis indicio testatur Phi-
losophorum princeps Aristoteles, cap.
de sensu & sensi. in hæcce verba e-
rumpens: Olfactus τῆς σωτηρίας καὶ τῆ
ἐρεκτική, i. e. conservationis & salu-
tis, nec non ornatus & voluptatis cau-
sa animalibus concessus est; ut scili-
cket præsentiendo pastum qværant,
& perniciosum pestiferumque decli-
nent, ejusque beneficio varia utilita-
tis commoda percipient; hinc qvoque

A

sen-

sensus alimenti dictus est. is enim rerum quæ gustari debent, velut explorator sit oportet, ne temerè noxia degustemus. Omnibus igitur in universum animalibus hic odorum communis est usus, quod nutrimentorum utilium & inutilium sint quasi indices, siquidem animal nullum libenter vescitur eō, à cuius odore totus abhorret. Hominum præterea utilitati odores quidam per se & sua naturâ absque alimenti respectu inserviunt, non raro enim florum, aromatum, taliumque bene fragrantium rerum odoribus vehementer gaudemus, qui nihil ad nutritionem conferunt, sed solam delectationem, spirituumque animalium refectionem præbent. Dum verò sensum hunc multis celebrandum encomiis, circa quem, svasu Celeberrimi Domini Præsidis, tenuioris ingenii mei vires experiri constitui, crebrâ mentis agitatione considero, ejusque intricatae subtilitatis indolem altiori pectoris scrutinio contemplor, tot mihi obveniunt varia

varia opinionum dissidia, tot acerrima
 Philosophorum de veris sensationis
 principiis certamina, ut in trivio con-
 siliī constitutus animus, vereatur, nē
 tanta sententiarum varietas me acrio-
 ris ingenii inopem, altaque & prægran-
 dia naturæ scrutantem, ex recto navi-
 gationis cursu ad imas errorum pro-
 funditates detrudat. Cum verò sub spi-
 nosa difficultate, magna sæpè lateat
 pulchritudo, animum erigens vela ex-
 pando. Ut autem placidiori favonii
 aura ancipitis hocce fortunæ æqvor tra-
 jicere qveam, Cymbamque in altum
 emissam tranqvillior excipiat portus,
~~ænomatologias~~ seu nominis expositione
 consultò omislâ, utpote qvæ nullis dif-
 ficultatum fasciis involuta, sed cuvis
 in Philologorum Scholis aliquantulum
 versato facile est obvia. ~~πραγματολογιας~~
 seu Definitionem ipsam, qvæ hic u-
 tramque, qvod aiunt, facit paginam,
 exponere adnitar, eamque, præeunte Ex-
 cell. Sperling. talem sisto.

Olfactus est sensus externus nasi & processuum mammillarium beneficio odoris species recipiens & cognoscens. Discursus nostri initium à Definitione argumenti ad rationis scrutinium jam nobis revocandi, movendum esse operæ pretium duximus. Omnis enim quæ à ratione de re quapiam suscipitur disquisitio, debet à Definitione proficisci, ut manifesto constet indicio, quid sic id, de quo Disputationis actus institutatur, monente Cic. Lib. I. de officiis. Definitiones quidem varias hic afferre fategerunt rerum naturalium experti, pro ut illorum cuique subtiliori mentis suæ acie in cognitionem ejus penetrare contigerit. ē quibus tamen datam hanc, cum naturam & modum Olfactionis ex sententia nostra proximè indigitare videatur, rectè retinendam esse afferimus. Quam ad bonæ Definitionis normam, more in philosophia dudum recepto, nobis examinaturis duo

duo sese expendenda insinuant, Genus
 seu conceptus convenientiæ, & diffe-
 rentia seu conceptus distinctionis, quo-
 rum in Definitionibus formandis, cum
 valde utilem & necessarium veritatis
 indagandæ modum subministrant, ma-
 xima sempèr habenda est ratio, qvibus
 neglectis jejuna & exfangvis evadit o-
 nnis Definitio. ponitur itaqve hic ge-
 neris loco Sensus, idqve ideo legit-
 imum, quod de suo definito ut essen-
 tiale latius & proximum in qvæstione
 qvid sit prædicari aptum est. hoc e-
 nim Olfactui una cum sensibus reli-
 quis tanquam speciebus univocis, sub
 eodem genere contentis competit, uti
 id extra dubitationis! aleam evictum
 eunt potissima hæcœ requisitorum mo-
 menta, qvæ omnis sensationis veri-
 tatem adstruere debent, & huic in-
 ferius applicanda sunt, ut scilicet est
 primò Anima sensitiva, deindè orga-
 num, post hæc objectum, & postremò
 medium inter organum & objectum
 intercedens. Dicitur autem externus

sensuum interiorum respectu, tum
 quod ~~ā iōd n̄t̄r̄e iōr̄~~ seu organum suum in
 exteriore corporis parte habet, tum
 quod ~~ā iōd n̄t̄r̄~~ seu objectum sensible forin-
 secus percipit, & ad sensus interiores
 defert. Unde per Olfactum non nu-
 dam Olfaciendi ~~dīn̄ap̄iū~~ seu potentiam,
 nec solum organum, qvod Arist. lib. de
 sensu & sensi. sensum nominat, dicens:
*Sensibile possum supra Sensum non facit sen-
 sationem; sed ipsam ēvēḡȳs̄iā & odoran-
 di actum intellectum volumus, quem
 non disjunctim, sed conjunctim, id est
 facultas & organum producunt. Dif-
 ferentiam verò absolvunt voces cæte-
 ræ in Definitione expressæ, petitur
 namque hæc ab organo remoto &
 proximo, objecto & modo cognoscen-
 di. qvæ singula singulatim in seqven-
 tibus nobis ventilanda veniunt.*

§. II.

Hisce ita prælibatis, monet ratio in-
 stituti, rerumque ordo, ut pedem ul-
 terius promoventes ad propria Olfa-
 factus

factus reqvisita iudicij nostri aciem
devolvamus, qvorum hic primò inve-
stigandum sistitur organum. quamvis
enim Anima sensitiva, qvæ omni ani-
mali etiam rationis experti seu ipsis
brutis, ut commune & primarium Ol-
factus omnisque sensationis princi-
pium & causa ex necessitate competit,
corpori animato, amicō arctoqve consor-
tii vinculō sit conjuncta, eique toti ratio-
ne suæ præsentiae intimè communicata
adsit, organis tamèn destituta, nullius sen-
sationis auctor existit. Sapienter itaque
provida rerum mater Natura, quæ non
deficit in necessariis, sed cuique dedit
quod sat est, singulis animalium sensi-
bus sua assignavit organa, quorum o-
perâ tot insignes nobilesqz animæ vires
ē potentia in actum deduci queunt.
Qvod autem proprium & princeps Olfa-
ctus Seniorium sit habendum, de eo acer-
rimis semper sententiarum litigiis inter
Medicos & philosophos fuit controver-
sum; juvabit ergò in primis potiores opi-
niones eorum in medium proferre, no-

strosque deinde rationis conceptus secundum altioris animii, ingeniique eminentioris naturae scrutatorum ductum, de hoc negotio exprimere. Organum Olfactus nares quidem vulgo adstruendas esse asseritur, iisdemque odorem, ut oculis colorem & lingvâ saporem percipere perhibemur. Verum licet nares ad olfactum aliquid conferant, & ut organum secundarium & remotum concurrant, proprium tamen & princeps ejus instrumentum non constituunt, quod clarissimâ irradiabit luce, dum melioris cognitionis gratiâ eos quibus nares inserviunt usibus, manuducente Seid. in Lib. de homine pag. 219. recensemus, ut nimirum. Pulmones I.^o per nares attrahant sibi materiam respiracionis aërem. Vehant II. particulæ aëris inspirati per nares ad cerebrum sursum tendentes una secum odores ad verum Olfactus organum: sunt quippe boni lavaviterque redolentium rerum odores non solum cerebro & spiritibus ejus grati ac salutares, verum insuper de mul-

multarum rerum & esculentorum ge-
 nere animalibus indicia præbent. inser-
 viant III. nares expurgationibus cere-
 bri, cum per eas non aliter ac præpa-
 ratam capitis portam superflua humo-
 rum excrementa excernenda & eve-
 henda sint. ex qvibus dispalescit nares
 subsidiariæ tantum operæ vicem sustine-
 re, & ut causam sine qva non reqviri,
 nec legitimo & adæqvato sensorii lo-
 co substitui posse, ut pluribus infra
 dicetur. Arist. autem lib. de Sens. pro-
 prium Olfactus ἀ.θητήσιον in capite &
 juxta cerebrum repositum iri voluit, id-
 que operculi quodam tegumento obdu-
 ci, qvod, ut intro receptentur odores,
 ab inspirato aëre operiri & elevari o-
 portere ait. Sed operculum hoc ne-
 mo haētenus satis ostendere, neqve in-
 dagatio Medicorum licet solertissima
 qvidqvam tale reperire potuit, decepit
 ergò philosophum, qvod anatomiae
 inexpertus in ejusmodi conjecturæ er-
 rorem inciderit. Galenus verò in lib.
 de org. Olf. sensorium hoc intra cra-

10
nium, in ipsis scilicet anterioribus ce-
rebri ventriculis, vel eorum extremita-
tibus, qva versus nares porriguntur ex-
istere affirmat, eosqve ventriculos va-
porosum qvendam spiritum continere
testatur. Verum nec hæc sententia cum
immoto certitudinis fulcro consistere
nobis videtur, indeqve facile redditur
elisa, qvod cerebrum nullius sensus ex-
terioris organum proprium sed com-
mune est, Spiritum nimirum anima-
lem in organis sensuum exteriorum
per nervos, ad actiones animales eden-
das suppeditans. Quidam Organum
Olfactus in naribus, hoc est in tenuissimis
quibusdam fibris à base cerebri, per ner-
vos propagatis constituunt, Olfactum-
que fieri aiunt, dum tenuiores corpo-
rum particulæ disjunctæ in aëre volan-
tes, non quidem qvælibet, sed quæ satis
subtiles, simul ac satis vividæ sunt, ut in
nares attractæ tenuissimas Sensorii fi-
bras pulsent, titillent, vellicent, aliisque
modis eas afficiant, qvam assertionem
Auctoribus suis libenter relinqimus.

ut

Ut autē mentem nostrā in principali olfactus organo indagando exponamus, notandum est Odores qvidem primo per aërem ad nares externas semper patentes transire, indeque ad nasum internum, qui osse cribroso & processibus mammillaribus constat deferri. Os cribrosum in media frontis base situm, ad summam nasi radicem fertur, narium totam fermè cavitatem opprens, plurima habet foramina, per quæ aëri & odo-ribus ad cerebrum apertus patet aditus. Processus mammillares duo sunt tubercula, & à sede, ubi ventriculorum anteriorum extremitates angustiores de- finunt enascuntur; sunt albi, molles, nervis similes, non cavi aut perforati, intra calvariam consistentes, porrectique usq; ad sinus & foramina Ossis cribrosi, in hos nervi Olfactui dicati inseruntur, similitudinem cum papillis mammarum habentes, unde & nomen sunt fortiti. Hisce ob- structis ceu coryza laborantibus evenire solet odorem valde debilem vel prorsus nullum sentimus. Princeps hæc pars est,

est, cuius beneficio fiet Olfactus, huic
immediatè opponitur nervus, faculta-
tem deferens, odorem suscipit & ma-
jorem cum illo convenientiam habet.
rectè Julius Casserius Placentius lib.
de 5. sens. *Observandum est in omni senso-*
rio nervum mollem à Cerebro descendere, post
quem immediate statim verum occurrit organum, ut in oculo crystallinus binor, in auditu
nervus expansus: sic etiam in Olfactu fieri,
quis negabit? ex hisce jam prolatis cuivis
oculos in calcaneo non gestanti, de vero
Olfactus organo patere, nobis spes est.

§. III.

Sensorii naturâ jam tenui expeditâ
Minervâ, objectum sensile, sensorium
immediato excipiens nexus, sub incu-
dem examinis revocari vult, qvod no-
mine odoris insignitur, & olfactui ut
proprium & à cæteris sensuum exter-
norum objectis distinctum alligandum
venit, cuius indolem hic loci paucis
indigitare sufficiat, cum non absolutè
& ut in foro proprio, sed respective
tantum, quatenus scil in præsenti &
actu

actu formalis, Olfactui oblatus ad species Odoris apprehendendas eum movet atque excitat, nobis enucleandus offertur. De hoc vero priusquam nostrum formemus judicium, pauca per remotionem in antecessum mittere ere esse videtur. Odores primo Pythagoræi substantiam quendam vaporosam & tumosam esse conjectarunt, iisque animalia nutriti posse dixerunt. In quorum sententia & castra deinceps transferunt, eamque suæ auctoritatis subscriptione approbare conati sunt Hippocrates, Heraclitus, Empedocles, Platonici, & cum his Recentiores quidam Philosophi. Verum aliud suo testimonio probatum ivit Arist. demonstrans odores non esse halitus sive defluxus a corporibus, sed Accidens & quidem qualitatem sensibilem, substantiis seu halitibus extraessentialiter ut subjecto inharentem. Confunduntur ergo ab illis Categoriae substantiae cum Accidente seu qualitate, quae hic est odor. Omnia namque objecta sensibilia,

14
lia, qvibus afficiuntur sensus, qualita-
tes sint oportet. nulla enim substantia
immediate incurrit in sensus, cun
nulla substantia creata immediatum acti-
onum suarum sit principium. Solus
namque DEUS, in qvem, uti omnis com-
positionis expertem, nulla Accidentia
cadunt, immediate suas operationes exe-
rit. Substantiae autem creatae, cum
sint compositae absque beneficio & mi-
nisterio Accidentium actiones suas ab-
solvere nequeunt. Sic Olfactu perci-
piuntur flores & aromata, non quatenus
sunt substantiae, sed quatenus o-
dorata, seu odoribus sunt praedita.
De odorum natura secundo talem fe-
runt sententiam Conimbricenses Aristote-
telis Interpretes, qvod sit qualitas ex sicco
sapido cum humido a calore permisto &
temperato, in mixto orta. Est enim a junt,
odoris & saporis ea cognatio, ut omne sa-
pidum odoratum sit & omne insipidum
odore destituatur: in eo tamen odorem
a sapore differre autumant, qvod in sapo-
re humiditas, in odore siccitas prævaleat.

Effi-

Efficientem odoris causam, ut omnium in mistis operum Calorem faciunt, qvi siccum humido more & modo debito permisceat, indeque rationem petunt, quod res odoratæ plerumqve calefactæ plus odoris emittunt, sic à propria odoris natura & origine aberrantes in qvævis errorum feruntur devia, verisque falsa supponunt, odoresque omnes ad variam Elementorum permissionem & qualitates primas, in qvarum potestate non sunt deducere conantur. Sed dicimus nos hic cum Scaligero. Naturam per naturam esse explicandam, non verò per rationes nostras evertendam. Si in odore, ut ajunt, prævalet siccum, cur tot res humidæ odoratissimæ, & tot res siccæ inodoratæ existunt? Urina putrida plus satis odorum de se spargit, nec tamen sicca est. Et licet gustus & Olfactus sit qvædam affinitas, odoresque saporebus cognati habeantur, gratis tamen odores & sapores necessariò subiecto conjungunt. Odoremque partis sapidæ

dæ esse affirmant. Experientiam enim consulenti aliud patet, qvia dantur res sapidissimæ & acerrimæ, nihil vel certè minimum odoris continent. Qvanta corrodendi vis & acrimonia sit in arsenico, mercurio sublimato & aliis mineralibus: oleo vitrioli, dracunculo, aro ac similibus, notissimum est: in quibus nullus vel exiguus est odor. Nec firmiore veritatis talo nititur, qvod calorem odoris causam efficientem esse statuunt, cum unum Accidens alterum idque reale producere nequit. Interim tamen non negamus Calorem causæ instrumentalis vicem implere, & efficienti scil. corporis odorati formæ specificæ subsidiariam operam ad odoris educationem e subjecto præstare. Nos ergò Chymicorum informatione melius edocti, primum Odorabile sulphur esse innuimus. ut autem tutiori procedamus viâ, & facilitiori negotio naturam & essentiam Odoris indagemus, Definitionem ejus subnectimus. *Odor est qualitas corporis misti, orta à sulphure,*

ad rerum differentias naribus representandas.
 Ex qua essentia odoris verè & realiter
 elicetur, qvod sit qualitas sulphuri ut
 primo radicali & subiecto proprio in-
 existens. Ubi enim Sulphur, ibi sem-
 per ejus proprium Odor, qvi licet in
 multis sulphureis non semper percipia-
 tur, fit hoc saltem in integris: in reso-
 lutis verò manifestissimè sentitur. Ut
 enim vinum actu frigidum apparet, et-
 si calidissimum, ut ex Spiritu ejus in-
 flamabili patet; ita sunt res multæ odo-
 ratissimæ, quæ tamen integræ nullum
 odorem nisi contritæ & accensæ fue-
 rint emittunt, quantum odorem nari-
 bus exhibent sulphur & pinguedines
 accensæ, ex candelarum extinctorum
 fœtore satis animadverti licet, neque
 sulphur semper in forma oleosa &
 pingvi apparet, sed sæpè etiam in spi-
 rituosa, ut in spiritu vini conspicitur.
 Ita in rosis minima sæpè est quantitas
 Spiritus Φλογισθε, istamen valde odora-
 tus est, magnamqve aquæ copiam ali-
 quot guttulæ odoratam reddunt.

§. IV.

Differentias odorum, cum inter animalia cuncta, quæ præclaro Sensu Olfactus natura beare dignata est, homo ob humidiorem & frigidiores cerebri constitutionem, eundem debilissimum acceperit, nobis parum perspectas habemus, propriisque nominibus insignitæ non sunt, sed analogâ & similitudine quadam saporum describuntur, quorum quoque fortius appellantiones, & dividuntur in extremos & intermedios. Extremi sunt, *suavis* & *amarus* seu *gratus* & *ingratus*, ille est in melle, eroco, Musco &c. hic in aceto, urina putrida, fecibus humanis & aliis. Intermedii sunt *gravis*, *amarus*, *Stypticus* acerbis &c. quos passim habemus in Oleis, pinguedinibus & aliis. Qvod vero appellantiones odorum à saporibus desumi diximus, non ita accipiendum erit, ac si cum dulci sapore, semper dulcis coniunctus sit odor, & cum amaro amarus, experientia namque reclamat, dulcis & gratus est odor chamemeli, sapor

por autem amarissimus: Idque ideo contingit, qvod alia sit temperies aliud que subjectum proprium saporis, aliud odoris, in eo verò similitudinem notamus, quod sicut sapor dulcis jucundè afficiat gustum, ita benè atficit similis odor Olfactum. Seqvuntur autem odores quidam alimentum, qvod eorum beneficio animalia explorant: & hi per se nihil voluptatis aut molestiæ præbent, sed per accidens solum, qvatenus alimenti sunt indices: in quorum exqvisita perceptione bruta qvædam singulari odoratus vigore & Præstantiâ homines vincunt, ut notum est de corvis, canibus, simiis & vulturibus, ubi in ignotum cibum inciderint, qualitates ejus solo odoratu subito percipiunt, favente illis natura, in nimiæ voracitatis remedium, ut scilicet prius exploratum habeant, qvod tam avidè saepe numero deglutiunt. Verum hæc Olfactus acrimonia in brutis, non ex principio rationis provenit, cum ea, qvæ rationis propria sunt, nullum ani-

mal præter hominem agat, qui solus
 præclaro mentis judicio objecta sen-
 suum discernit & dijudicat, sed ex so-
 la accidental dispositione cerebri, &
 exquisitiori contextura ipsius organi
 ortum trahit, qvò enim bruta cere-
 brum sicciss & calidius habent, quo-
 que longius Olfactus sensorium à cere-
 bro est repositum, eò acriorem sensum
 hunc obtinent. Datur quoque aliud
 odorum genus, quod alimentum non
 comitur, sed per se est gratum vel
 ingratum suaqve natura offendit vel
 delectat: quales sunt florum, aroma-
 tum, aliarumque multarum rerum o-
 dores, quorum suavitate homines so-
 lum vel potissimum afficiuntur, dum
 ex iisdem bruta nullam vel planè man-
 cam & imperfectam delectationem ca-
 piunt.

§. V.

Hactenus perlustratis, quæ objecti
 naturam concernunt, Medium, quod ut
 sensorio Olfactus deferantur odores,
 in-

intercedere debet, mente complecti reliquum erit. Tale Medium geminum observarunt rerum naturalium inspectores: aërem & aquam, illud primarium, hoc secundarium. Quidam non ut subiecto primo & proprio insit odor, nam cum sit qualitas & proprium sulphuris, non transit de subiecto in subiectum, quod nec cætera Accidentia faciunt. Hoc enim unum inter sex Peripateticorum absurdum recenseri sollet, Accidens scil. sine suo subiecto proprio. Sed ut color primo & secundum esse naturale inest corpori colorato, deinde per speciem, seu spiritualiter inest etiam aëri medio; ita odor quoque primo & per se inest corpori olenti, deinde per speciem communicatur aëri tamquam medio. Hæc tamen traductio odoris non sit tam Spiritualliter ut in visu, neque momento, sed in tempore, quod satis benè animadvertis potest. Neque negandum est odores non raro etiam realiter in &

cum suo subiecto particulis sulphureis,
modò subtilibus & vaporosis, modò
fumosis & crassioribus à corpore ipso
per calorem, ignem, aliasvè causas re-
solutis in aërem spargi & ad sensorium
deferri, ut in seqventi thesi clarissi-
mo splendebit fulgore. ut itaque aér
Medium visionis est, qvaenus corpus
ΔιαΦανες auditus qvatenus *Δημητρες* est,
ita Olfactus medium constituit qua-
tenus *διοσμην*, hoc est, odori pervi-
um est, vel cuius ea est natura, ut o-
dores transmittere possit. De aqua et-
iam res manifesta est, exemplo pisci-
um escam hamis impositam vel emi-
nus odorantium.

§. VI.

Braviter sic pro ratione instituti, ea,
qvæ in cognitionem Medii nos dedu-
cere queunt, expendimus, jam com-
modior exigit ordo, ut modum Olfa-
ctionis, quo nimirum odores per me-
dium ad Olfactus Sensorium deferun-
tur subjungamus. Quem quidem mul-
tis

tis difficultatum involueris implicatum,
Auctores arcana naturæ profundosque
rerum sinus pervolventes explicaturi,
in varia sententiarum dissidia sunt de-
ducti, ubi tamen tres potissimum opi-
niones eorum, qui animorum dissensi-
one in hoc gordio nodo resolvendo la-
borârunt nobis fese offerunt, in qvibus
jam disputationis cardo vertitur. Pri-
ma præsertim placuit Heraclito & Ga-
leno, nec non Medicorum perpluri-
mis, qui statuerunt odores in mate-
ria & subiecto sicco parumque humi-
do, usque ad sensorium semper de-
ferri: imo, longius quidem progressi,
odores ipsas exhalationes fumosas ei-
se putârunt, ut superius percepimus.
Secundam Peripateticorum quidam
defendunt, sentientes odorem nunquam
realiter à corpore olente effundi, aut
progredi cum aliqua exhalatione, sed
species tantum odoris per medium ad
sensorium diffundi perinde ac in visu
de colore fit. Priorem qvod concer-
nit, dicimus nos ibi confundi catego-

rias substantiæ & Accidentis, quatenus odores substantias faciunt, qvod supra refellere conati sumus, hoc quidem eis in præcedenti thesi concessimus, quod & nunc ambabus, ut ajunt, manibus largimur, exhalationes scilicet, qvasdam à rebus odoratis effluere, easque per aërem interdum ad ipsum Sensorium deferri, experientia namque probatum dedit, quod exhalationes odoratæ variis modis afficiant cerebrum, ejusque temperiem nunc alterare, nunc mulcere & temperare soleant, quod non tantum in cerebro manifestum, sed in oculis quoque experi-ri licet, quomodo ab exhalationibus & sumis qvasi roduntur, doloremque perciunt. Videmus insuper res odora-tas plurimas paulatim imminui, & re-ablatâ, odorem sæpe in aëre diu per-cipi. Qvod species tantum, qvæ in ab-sentia objecti non remanent, præstare nequeunt. qvæ omnia fatis superque confirmant exhalationes corporeas vim calefaciendi & trigefaciendi aliaque præ-

præstanti obtinentes è rebus odoratis effluere. Sed hæc ad propriam odo-ratus naturam nihil faciunt. Speciem enim spiritalem requiri & præsupponi extra dubitationis periculum ponitur: nullum enim sensum per qualita-tem realern seu materialem, sed tantum per ejus speciem, seu qualitatem in-tentionalem, quæ radicaliter quidem est in subiecto, sed communicative per medium ad organum defertur, affici putamus. Interim tamen nec posteri-ori sententiæ, quæ Peripateticorum est, per omnia propter rationes supra al-latas assensum nostrum præbere pos-sumus. Sed asseveramus nos hic Ter-tio, odores non raro, ut antea innui-mus, cum subiecto corporeo ad Olfac-tum deferri; hoc tamen perpetuo ne-cessarium esse negamus, illa namque Καπνώδη ἀνατυμίασις è re odorata exha-lans, non semper ad nares usque per-tingit, & interdum nihil tale è cor-pore effluit, sed fit Olfactus nudis spe-ciebus odorum, è re odorata ad orga-

num ejus per aërem vel aquam dela-
 tis. Quod facile illustratur exemplo,
 per quod compendiosum & efficax ob-
 tinetur iter: pisces namque odoribus in
 aqua affecti escam querunt, id quod fi-
 eri non posset, si exhalationes cum o-
 dore ut ejus vehiculum temper essent
 coniunctæ, exhalationum enim odora-
 tarum natura in sicco à calore elabo-
 rato consistens, cum per se sursum fe-
 ratur, quomodo aquæ peteret fundum? Vel si eo usque pertingeret, quo
 pacto naturam suam calidam & sic-
 cam ibi integrum servaret; cum res o-
 doratas aquâ superfusas odorem de-
 perdere experientia edocti novimus. si
 denique corpora odorata, quæ saepe
 minima sunt, tota in vaporem resolve-
 rentur, tam diuturnum non possent e-
 dere effluvium, ut ad vasta spatio ex-
 plenda sufficerent, res etiam mul-
 tas, odorem satis diu fundentes nihil
 imminui vel tabescere animadvertis-
 mus.

§. vii.

Prius qvam vela Disqvisitionis nostræ contrahimus, haud intrugiferum fore confidimus, Qvæstionem hanc fatis intricatæ subtilitatis, multaque controversiarum diversitate à rerum expertis' vexatam discursibus nostris, Coronidis loco subiectere. *An scilicet odores ad nutritionem faciant?* quam negandam esle statuimus, idque seqventibus rationum ponderibus instruti. I. Omne quod nutritioni inservit & ad corporis alendum conductit, compositum sit oportet: corpora namque nutrienda composita sunt, & similia similibus nutriuntur, augentur & conservantur, odor autem non est corpus seu simplex, seu compositum, seu mixtum; sed Accidens, & quidem ad tertiam qualitatis speciem pertinens, E. non nutrit. II. novimus omnia nutrita, qvasdam alimenti sui reliquias colligere: at de odoribus nulla colliguntur & secernuntur excrementa, sed tan-

tantum de compositis & mistis, cum
in his solis sit partium dissimilitudo.
Unde alendi vim nullam obtinent. **III.**
Debet alimentum alterari ac concoqui,
inque proprium primumque locum
concoctionis **V**entriculum recipi. Odor
autem non in ventriculum sed in ca-
put & cerebrum recipitur. Verum non
deflunt ratiocinia, quae nobis in contra-
riam partem obverti possunt, quae li-
cet nihil praeter apparentiam quandam
veritatis praes se terant, potiora tamen
ordine recensemus, mentisque ad cy-
nosuram penitus, eadem resolue-
mus. Argumentantur autem **I.** Hunc
in modum. Qvodcumque repletionem
ad fert, illud est corporeum, at odores
cerebrum replent, Ergo corporeum
seu substantiale quid sunt, & per con-
sequens eos nutrire posse veritati con-
sonum relinquitur. **II.** Odores calefa-
cere, teste Aristotele proponunt. inde-
que ita colligunt: quod calefacit cor-
poreum est, Odores calefaciunt **E.** **III.**
odoribus spiritus animales, auctoritate

Hippocratis, suffulti nutriri posse affirmant, qvi ægros odoribus reficiendos vult, ubi vitæ instauratione opus est.

IV. Exemplis nituntur, qvibus haud parum roboris sententiæ suæ accedere existimant. Democritum enim morti vicinum panis recentis odore vitam triduo protraxisse ferunt. Philippus Melanchton auditoribus suis recitare consuevit, Mœchum qvendam fame ne-
candum; multos dies in carcere ex odore carnis assatæ, qvæ ei quotidie, ut acerbior & longior esset famis cruciatus offerebatur, servatum fuisse. Strabo gentem Astomorum in ultima India ad fontem Gongis nominat, qvæ solo odore vitam ducat. Qvare ad nervum I. Argumenti respondemus dicendo: repletionem cerebri ab odoribus non per se, sed accidentaliter fieri. repletur enim cerebrū vel ab exhalationibus cum qvibus sæpe conjunctus est odor: vel liqvefacit calida odoris qualitas humiditates in capite, à qvibus deinde fusis proximè fit fusio in venis & cerebro.

Con-

30 Connectioni autem Majoris II. ratiocinii
reponimus, distingventes inter ignem
& calorem, uterque calefacere dicitur,
ignis ut substantia & subjectum caloris,
calor ut qualitas in igne, quæ confun-
denda non sunt, nam calefacit ignis
qualitate sua calida, nec ideo calor
ipse est corpus, sic calefaciunt odores,
non ut corpus seu substantia, sed ut
qualitas corpori inhærens. Ex aucto-
ritate sola de nutritione spirituum a-
nimantium III. loco allata exigui mo-
menti illatio fit, veritati enim con-
sonum videtur Hippocratem per spi-
rituum nutritionem haud indubie in-
nuere voluisse eorum roborationem &
refectionem, & non veram quandam
nutritionem. Exemplis IV. objec-
tis Ergo in medium adductis tale redi-
ditur responsum; quod fieri quidem po-
tuit, ut Spiritibus aliquid roboris ex
halitu panis recentis, quo per triduum
vitam traxisse fertur Democritus ac-
cesserit: ideo tamen odoribus vera nu-
triendi potentia adscribenda non est,
nec

nec, per triduum absque cibo & potu vivere, miraculum est. Idem terendum erit judicium de halitu carnium assatarum, non enim tam vitæ producendæ gratiâ, qvam augendæ inquerabiem vertendæ famis causa, captivos ita affixerunt Tyranni. Narrationem autem Strâbonis qvod attinet vix qvempiam credo latet multa fabulosa à veteribus memoriæ prodita esse, qvibus hodienum nihil vel parum fidei habetur, qvod etiam traditioni huic accidit, qvare eandem ut fabulosam relinquimus, nec Strabo ipse dissimulat figmentum esse, qvod ab aliis acceperit. Sic per DEI gratiam Sensum Olfactum tenui nostrô penicillo adumbravimus, qvæ ut B. L. in mitiorem partem accipiat qvæsumus, & si qvid desideret, id bonæ Ieius interpretationis cynosura candidusque favor supplebit. Interea calida nostra vota pro perenni incolumitate sua, apud eum, qvi omnis Salutis Auctor & fons est, non deerunt.

Hic Ancoram jacimus, dicentes:
SOLI DEO GLORIA.

Dn. JOHANNEM Wickelgreen/
Amicum Optimum

CONGRATULATIO.

Quae tangit tangens novit; sed novit odores
Olfaciens, gustans novit & ore cibos.
Olfactus nihil, quum tritus: attamen illum
Declarare labor, raraque materies.
Conferat Altitonans tibi præmia justa laboris
Egregii, & meritis equiparanda tuis.
Pergis enim nocte sensus aperire latentes,
Quem conatum nunc gratulor atque precor
Ut tibi sic liceat lætam decurrere vitam,
Perpetue fama polum stringat utrumque sono,
Qui Titulus veteres: semper sic Teg, manebunt
Fama, decus, laudes, honosque tuis.

JOHAN. AGRELL.

Discupiens dulces Phœbi gustare sapores,
Olfaciet multos vigilando noctis odores,
Tempora consumet doctorum scripta legendo,
Atq; auscultando, quæ candida cunq; docentur.
Talem te exhibuisse doces mi snavis amice,
Et te nocturnâ versasse manuque diurnâ,
Mentis opes quærens, doctorum scripta virorū,
Dum calamo docto varios depingis odores.
Gratulor his Studiis: cœlum tua cœpta secundet,
Et precor ut veniat tibi lausq; deculq; laboris!

MATTHIAS Beckelman.